



## **BASES REGULADORAS DO CONCURSO DE DISFRACES** **ENTROIDO EN SADA 2019**

### **1.- OBXECTO.**

É obxecto das presentes bases regular o concurso de disfraces que se celebrará o domingo día 3 de marzo e que organiza a Concellería de Cultura dentro da programación do Entroido en Sada 2019.

### **2.- PARTICIPANTES.**

**2.1.** Poderán participar todas aquelas persoas e colectivos interesados, sen límite de idade. As persoas concursantes deberán participar nun desfile polas rúas de Sada.

**2.2.** Poderase participar en 3 categorías: INDIVIDUAL, GRUPOS, CARROZAS, optando a 3 premios en cada unha delas.

### **3. INSCRICIÓN.**

**3.1.** A inscrición poderá realizarse cubrindo un formulario no que se recollerán os datos necesarios, o número de compoñentes e a categoría de concurso, a temática dos disfraces, etc.

O formulario estará dispoñible para cubrir online a través dun formulario que se atopará na páxina web ou a través da seguinte ligazón <https://i.gal/t9HON>. Tamén haberá a opción de enviar o formulario cuberto á dirección de correo electrónico [sada.cul@sada.gal](mailto:sada.cul@sada.gal), ou facelo de forma presencial na OMIX de Sada en horario de 9:00 a 14:00h. e de 16:00 a 18:00h.

### **3.2. PRAZOS DE INSCRICIÓN:**

- O prazo de inscrición rematará o xoves 28 de febreiro ás 17:00h.
- No caso da inscrición en CATEGORÍA INDIVIDUAL, e só para esta categoría, as persoas que queiran participar poderán facelo no mesmo momento no que vaia comezar o concurso.

### **4.- NORMAS DE PARTICIPACIÓN.**

**4.1.** As e os participantes inscritos no concurso de disfraces do 3 de marzo achegaranse ao punto de inicio do desfile, establecido no entorno da carpa do Entroido, a carón do edificio A Terraza. Deberán desfilar polas rúas de Sada amosando os seus disfraces ao público e ao xurado, exhibindo as súas coreografías e animación musical (en caso de que as teñan). O xurado valorará os disfraces e a animación festiva durante o desfile.

**4.2.** Establécense 3 categorías: INDIVIDUAL, GRUPOS (*considerarase grupo ao conxunto de disfraces coa mesma temática formados por un mínimo de 3 persoas*) e CARROZAS (*agrupacións con disfraces dunha mesma temática que inclúan plataformas móbiles autopropulsadas ou remolcadas, adornadas conforme á temática escollida polo grupo de participantes e relacionada cos seus disfraces*). En cada unha outorgaranse 3 premios que serán detallados no punto 6 destas bases. Cada participante concursará nunha única categoría, o que quedará recollido na súa inscrición.

**4.3.** As persoas integrantes do xurado disporán do tempo do desfile para realizar a valoración dos disfraces inscritos ao concurso. Á finalización do desfile de rúa poderá organizarse un pequeno desfile sobre o escenario da carpa do Entroido, no caso de que o xurado necesite facer unha visualización máis detallada dalgunha das categorías.



## **BASES REGULADORAS DO CONCURSO DE DISFRACES** **ENTROIDO EN SADA 2019**

**4.4.** O resultado das votacións farase público na carpa do Entroido á finalización dos desfiles, tras da suma das puntuacións recollidas nas táboas de valoración dos compoñentes do Xurado.

### **5. XURADO E CRITERIOS.**

**5.1.** Proposto pola Concellería de Cultura e Praias, o xurado estará composto por un mínimo de 3 persoas.

**5.2.** O xurado deberá valorar:

- a. estética, orixinalidade e creatividade dos disfraces.
- b. posta en escena (acompañamento con coreografías, instrumentos...).
- c. detalles da maquillaxe, máscaras e demais complementos propios do Entroido.
- d. elaboración propia/artesanal.
- e. valoraranse as carrozas e “vehículos” inscritos na categoría de carrozas mediante os criterios anteriores que sexan de aplicación.

A organización aportará unha táboa para axudar a realizar a valoración nas diferentes categorías. Cada criterio valorarase de 0 a 10 puntos para obter unha puntuación final. Ao remate do desfile as/os compoñentes do xurado reuniranse para fallar un resultado e comunicalo publicamente. Os premios outorgaranse segundo as puntuacións totais obtidas, despois da suma das valoracións parciais de cada compoñente do xurado.

**5.3.** O xurado deberá valorar os disfraces durante o seu paso polas rúas de Sada e tamén sobre o escenario da carpa, se isto último fose necesario.

**5.4.** O xurado poderá descartar do concurso a aqueles participantes que se comporten indecorosamente ou exhiban condutas que poidan considerarse ofensivas, vexatorias ou de mal gusto, tanto cara o público como cara a organización.

### **6. PREMIOS.**

**6.1.** O xurado propondrá 3 premios por categoría, que describimos a continuación:

- a. CATEGORÍA INDIVIDUAL: o disfrace gañador recibirá un vale de 300€, o segundo premio un vale de 200€ e un vale de 100€ para o terceiro clasificado.
- b. CATEGORÍA GRUPAL (*considerarase grupo ao conxunto de disfraces coa mesma temática formados por un mínimo de 3 persoas*): o primeiro premio nesta categoría consistirá nun vale de 700€, o segundo premio será un vale por valor de 500€ e o terceiro un vale por valor de 300€.
- c. CATEGORÍA CARROZAS: as comparsas participantes na categoría de carrozas deberán desfilar acompañando á súa plataforma móbil decorada. Os premios nesta categoría serán un vale por valor de 1000€ para o primeiro premio, 850€ para o segundo premio e 700€ para o terceiro.

**6.2.** Os premios serán entregados na mesma carpa. Os “vales” polo importe de cada premio serán cambiabes en establecementos comerciais/empresas de calquera tipo que teñan sede en Sada, coa única condición de que acepten as condicións do concurso.



**BASES REGULADORAS DO CONCURSO DE DISFRACES**  
**ENTROIDO EN SADA 2019**

**6.3.** No caso dos premios das categorías Grupal e Carrozas, a efectos fiscais entenderase que o premio está repartido entre todas as persoas integrantes do mesmo.

**6.4.** Cada grupo ou Carroza deberá designar unha persoa representante, mediante documento que asinarán os integrantes do mesmo. A persoa responsable representará ao grupo a efectos de recibir o vale, facéndose cargo a partir dese momento da xestión da inversión e cambio do mesmo, o cal implica poñer en coñecemento ao Concello da súa intención de utilizar o vale de premio, da contabilidade das compras realizadas co mesmo e da presentación ante o Concello das facturas emitidas polos establecementos escollidos.

**6.4.** O xurado, previa xustificación, poderá declarar desertos todos ou algún dos premios a conceder.

**7. CONFORMIDADE.**

Todas/os participantes, polo feito de selo, aceptan as presentes bases na súa totalidade.

**NOTA:**

A organización realizará unha cobertura fotográfica dos diferentes momentos do desfile e do concurso de disfraces. As/os participantes, mediante a súa inscrición, consentirán na cesión da súa imaxe para as fotografías que se realizarán durante a celebración do concurso. As fotografías serán utilizadas pola Concellería de Cultura e Praias con fins divulgativos e para a promoción das súas actividades nos seus perfís sociais e páxina web oficiais.

**8. ÓRGANO COMPETENTE**

O órgano competente para a ordenación, instrución e resolución do procedemento derivado das presentes bases será a Alcaldía.

*En Sada na data da sinatura dixital.*

Asdo.:

Óscar Benito Portela Fernández  
Alcalde-Presidente  
Concello de Sada